



Комсомоломь ВАЙГЯЛЬ

ВЛКСМ-нь районной конференциятне

Руководящай комсомольский органонь кочкаматне сувасть од этапс—ушедсть районной конференциятне. Синь йотасть ви Сире-Шайговский, Сире-Синдровский, Атюрьевский, Ромодановский, Ельниковский, Мельцанский, Рыбкинский, Ширингушский, Игнатовский и лия райоттнень эса.

Районная комсомольская конференциятне йотнихть башка организованность, деловитость обстановки. Кода правила, конференциятне работаса примосихть живой участия конференциян сембе делегаттне.

Тонат выборхнень эзда сявомок йотась кафта кизот. Нят кизотне насыщеннойхтельхть оцю, напряженной и содержательной тевса. ВЛКСМ-нь эрь районной комитетти ульсь и ули мезень колга азондомс делегаттнеди.

Партияньконь XVIII-це исторический с'ездтонза меле, коначкомсомоль работань содержаниянцты сувасть работань од полоса, руководящай комсомольский органонь кочкаматне йотафневихть васенцеда. Неуклоннаста пашкоткшнемок XVIII-це партийнай с'ездть решениязон, минь организациянке кармасть сядя активнаста работама государственной и хозяйственной тевса.

ВЛКСМ-нь райкомонь секретарьхне эсь докладост должетт азондомс делегаттнеди живойста в интереснаста райононь комсомолцеень эряфсон и тевсон колга—сянь колга, кода комсомолце не партийной организациятнедь руководстваснон вельде тюрсть ВКП(б)-ть XVIII-це с'ездонц решениязон пашкодемаснон инкса.

ВЛКСМ-нь райкомть докладоц—тя содержательная и поучительная доклад, конань эса эсь пряно, тевонц должен няемс эрь комсомольский организациясь, эрь комсомолець. Отчетсь должен улемс острай, самокритичнай. Комсомольсь ВКП(б)-ть XVIII-це с'ездта меле арьсь разносторонняй государственной школак, сон йотафтсь оцю работа. Но тя нинге анычек ушеткс, ниголе лама кипучай, со-

зидательная тевда. Минь должеттама ваномс, мезе нинге ашметие, коса лафча вастсь, ков эрявихть йордамс главнай вийхне.

Од ломаттнень сознательной, дисциплинированной трудити воспитания, заботась сян колга, штоба эрь комсомолець и комсомолкась образовайста пашкоткшнелезень эсь обязанностезон социалистической государствать инголе,—комсомольский организациятнедь работаса ащи инь центральной востокс. Конференциян делегаттне должетт вешемс комсомольский комитеттнень эзда яснай и точнай ответ, обеспечендакшнесазь ли синь комсомолцеень авангардной рольснон производстваса, максесазь ли сембе вийснон СССР-нь Верховнай Советть Президиумонц июнь 26-це шинь Указонц эряфс йотафтоманцты, кемокшнесазь ли дисциплинировать колхозса.

Районная конференциятне—руководящай комсомольский органонь кочкаматнень инь ответственной этапсна. Синь умелайста йотафтомаснон эзда сядя тов ламода кармай зависеть первичнай организациятнедь работасна.

Эрь конференциятне йотафтомс организована, идейно-политическая оцю уровеньца—эрь районной комитетть ответственной задаца. Обеспечендамс делегаттнедь активностьснон, смелайста вишкопнем самокритикать и пощадафтом тарксемок демагогиян элементтнедь.

Эсь пингстонза няемс эльбяткшнень, курококе петънемс синь—тяфтапт выборхнень организована йотафтомань требованиясна.

Районная конференциятнедь важнейшай задачасна—кочкаматнень эса обеспечендамс руководствати смелста од кадрань выдвигениять, сембодонга пяк стирнятнедь, руководящай оргаттнеди проверяф комсомолцеень кочкамаснон, конав нефтома преданнайхть Ленинонь—Сталинонь партияснонды, конат способнайхть защищандамс коммунизмать тевонц.

Призывникне ацихть васенце рядса

Стройтрестонь 1-це строительная участкань рабочайхнень йоткса мекольдень 2—3 кофнень эзда ламода сядя кемокстась трудовой дисциплинась, шиста-шис касы трудонь производительность. Тянди кода результат, участка ламода цебарьгоц тиф работать качествац.

Кода правила, нят важнейшай мероприятиятнедь образовайста ладамасот васенце вастсь ащи комсомолцеенди-призывникнеди.


Рабоче-крестьянская милициянь республиканский управлениять эряма кудонц строительства комсомолце-призывникне Якстерь Армияв очередной призвать честьс пуропить комсомольский звена, конач молярнай работаса шинь норматнень пашкоткшнесыне 139 процентс.

Комсомольский звенать руководитель-комсомолець Могулеев ялгась, эсь пряно Якстерь Армиян ряттнеди аноклазе сембе ширде. Сон производстваса фья инь лучшей стахановець, производствать общественной эряфсонза—активной общественник, военной знаниятнедь тонафнемаса-отличник. Могулеев ялгать улихть ВС-нь и ПВХО-нь значоконза.

Могулеев ялгась тия оцю радостьса учи ся шить эса, мзярда сонь большевиконь партиясь и народсь кучсазь родинаьконь гранцизон неприкосновенностьснон ваномса, коса тяфта жа ули дисциплинированной и бдительной боецокс.

И. Челмакин.

Саранск ош.



СНИМКАСА: Советский Союзонь Маршалхне С. К. Тимошенко и С. М. Буденный ялгатне.

(ТАСС-ть фото-клишец).

Авторитетсь—комсомолецть вице

Эконом-Полянка велеряйхне (Кадошкинань районца) однексиревек тонадсть мярьгондема отчества коря образованнайхнеди, ву мярьгтяма учительхнеди, агрономти, медицинский сестрати. Эрсесь, конешна, мярьгонькшнелхть тяфта и иляндиге, но шуроста. Но вов марясы комсомолець Силкин Федясь, што и тейнзовок мярьгихть аф проста Федя, а Федор Родионович.

— Цебарьста вятсь тевть,—корхнихть атытне, мзярс ащезь тага прибавазь:—Федор Родионович.

1938-це кизоня Федя Силкин ульсь нинге 17 киза, и аф кунара сувасть комсомолу. Комсомолце не сязовь и кучезь Федянь алашатнеди и сика лавгс мярьгсть:

— Тон улят ответственной азор алашатнень лангса.—Стаяки тяштезь, штоба маряльхце лангзонза путф ответственность.

И ашеть эльбядь „Первомайский“ колхозонь комсомолце не, а меклангт, гордидасть од конюхснон мархта, справнат ульсь алашатне, проворнайхть работаса, бойкат модемста.

— Алашаньке минь мзярдонга ашемазь васькафне.—Кемокшнесы комсомольский организациян секретарсь Ивкин Александрсь, тя-

ни работай велень исполкомса председателккс. Сон лама азондсь комсомолецть Силкинть колга, кода пяк заботливый азоронь колга.

— Комсомольсь касфць эздонза стама цюра,—корхтай сон,—што работаса ручандамс сонь инксонза любовай пингста можна. Стака ульсь кормонь пяльде тялонда. Эста эрявьсь и корматьке ванфтомс и, штоба алашатневок ульхть топочьот, кондьястелхть паксав ильхтемс сокама. Саят, бывала, карттнеди, а Федор Родионовичсь сяшкава ужальдезь анды алашатнень, вадеряй синь эсост и корхви: „Аф кода праздникста, но топочта.“ Тундати сембе алашатне листть цебарь упитанностьса, а тянь вельде и видеманзонга колхозсь аделазень эсь пингстонза.

— А тияи тейне полафты эряви,—корхтай Силкин Федясь,—мон военная ломанць... Курок улян военной. Молян Якстерь Армияв и эста няйсасть, кодама улян кавалеристсь! Инь цебарь алашать лангса молян призывной пункту, аделазе комсомолець-конюхсь Силкин Федясь эсь корхтаманц.

А. Карасев.

Лев. Никулин

ВИЛЬНА

(Рассказ).

Сьоксенда, 1939-це кизонь октябрь ковня, вень поездсь мольсь Белостокста литовский Вильна древняй ошти.

Поездсь Белостокста срхкась веть, 3 частса. Минь купеньковь эса ульсь анычек колма ломатт: пограничной охранань капитанць, железнодорожниксь — Витебскийяста од ломанць и фоторепортерсь, неистойай ломаттень эзда фкясь, конат сяка жа фкя кизоста йорайхть улемс Арктикаса и Субтропикаса, Амурса и Москувонь физкультурнай парадса.

Вагонць ульсь пышкесе, ломаттне ащесть и коридорса, вальмятень ала, и тееньк васенда няевсь страннайкс, мес минь купесонк аф заяфт свободнай васттне. Меле минь шарьхкодескь причинать — минь колмицьке улеме военной формаса. Военнай формась тьестонь ломаттень нинге эйфнезень. Тя рефлекссь ульсь прошлайнь, мрачна лятфнема сянь колга, конашка пелема внүшал военной мундирсь панский Польшаса. Мзярда Якстерь Армиясь йотазе границатнь, сьа шида меле нинге изь йота комсь шивок.

Купезонк минь тердеме пухокс ащи уса мархта шаржу атянать и оцю канф мархта стирнять. Атянать азозе прианць Вильнаста аптекарксь, стирнясь — Гродна ошта портнойнь стирняк. Сонь канфсонза ульсь равжа кшинь сухарьхть.

Пограничной войскань капитанць аф ламос арьсесь и чемоданцтонза таргась московский капченая калбас, калаце и кафта марьхть. Фоторепортерсь атак корхтак валхтозе лангстонза и путозе шрать лангс эсь флажканць. И тяфта тиевсь минь походнай ужевоньке.

Од ломанць — железнодорожниксь и стирнясь курок ужеса матодовсть. Но сякса аптекрь атянать ульсь пяк корхтакшу собеседникоск.

Сон азонць сянь колга, кода тьеса эрясть комсь шида инголе, кизефнесь, кода эряхть минцонк.

— Виде ли, што студенттнеиди максихть эряма васта и питаниенди ярмакт?

— Виде ли, што больницатнень эса пчкафнихть питнефтема?

И ламонь влянць колга кизефнесь сон.

Аф лама пинге лоткасть корхтамда. Поездсь вень паксятнень эзда мольсь аф пяк вишкста, кося нинге ащесь апак урядак, солдаттнень мархта восток тапафсьорось. Стирнясь мирнайста удось железнодорожникть лафту лангса, и можналь арьсемс, што синь идькс пингонь ялгат.

— А тейять тьада инголе сашендовсь улемс Вильнаса? — кизефтсь атянать, — улема изь сашендов? Тейять мон рекомендовандан фкя цебарь гостиница.

Сон эльбиять. Тейне сашендовсь улемс Вильнаса нинге идькс пингста. Сят шитнень эзда илядсть тапаряф лятфнемат — ошень парксь, ляйт вельксса пандсь, пандть лангса замкть развалиназа. Тянь мельге ошт эсь эсонза, сонь оживленной вастсонза — ульцять вельксса арка, аркать вельксса — марнек Польшаса фкя инь знаменитай шкай мархта часовня. Шкайти озондыхне, ащесть тротуар кувалмос, шамасна шарфтфт шкайт ширь. Нят лятфнематне ульсть сяшкава тапаряфт, што мовь вльне ашель мялезе азомс синь колгаст эсь собеседникозьти.

Минь стяфтомазь сьоксен шить косой лученза. Минь няеме вирть золотой лопанзон и дачань затейливой куднятнень. Кемонь мину-тада меле минь улеме Вильнаса. Поездть эзда лисемок, мольсь сплошной стенак народсь — дачникне, ошт маласа эряйхне. Тя толпать йоткса пяк шуроста няевсь шинельса и пилоткаса красноремеецт. Синь шамасна ульсть спокойнайхть, сосредоточеннайхть, кода эсь тевсон колга моли ломанень, тяфта жа ашель мезевок удивительнай виленьскый вокзалть пассажирский платформанць лангс синь эвондамаснон эсовок.

Минь прощандаме эсь спутниконь мархта и сиводеме сире моднай извозчик конань тележканць фтала ульсь номер, и ков сувсеме ошт сяда кучказонза, тов сяда яснайста и отчетливайста арьсесь тя ошт колга идень лятфнематне. Лофтана-голубой мезельть эса кудпрятнень и турбатнень цебарьста очертаниясна, ульцятнень содаф поворотсна, мезебди курокста аф шарьхкодеви знакомай куттнень архитектураса — да, тя ингольдень Вильнась.

Мезе жа тя ошти кандсь Польшать владычествац? Акша орел мархта почтовой якстерь ящикне, казеннай учреждениятнень вывескасон эса акша орелхне, польский курорттнень рекламасна — сембе тя няеволь театральнай буафориякс. Марьгат, што ошт аф пяконя гримировандакшнезнь, аф пяконе мазепнезнь, кода тьянь тиевсь, режиссерхне, мзярда синь родной ошост снимандакшнихть омбамасторонь эряфста фильма.

Сяда меле мон нийнь ульцять вельксса содаф аркать и тротуархнень кувалмос плманжа лангса ащи озондыхнень. Но синь эздост йофси маласа, афишань столбати ульсь петфаф „Красное знамя“ газета. Столбать перьф пуромф лама ломатть, мяндевомок сембе ронгонек стякшнемок пильгесур лангс, штоба няемс хоть газетать крайняц.

Минь ошт эзда якаме пилевес. Ошь эрясь спокойнай, деловой эряфса, кудонь хозяйкатне базарса деловитайста варчсесь саранень эса, шить каршеса ванонць саразонь алхнень пачка, азартнайста торгавасть мишендикнень мархта. Ульцянь валондома автомашинась пяк валонць площадть. Площадьса радионь рупорть ала ащесть ломатть и учсть Москуста радиопередачать.

Страннай случайностень сюнеда минь ашинек куле Москуста мекольдень известиятнень и сякса тя радиопередачась миндеень ульсь апак учт. Сембе полафтовсь пяк курок. Можналь арьсемс, што врагсь колама-бди чудаса аравсь пяк маласа, тязк йофси, ошт ваксса. Фкя-фкянь мельге сьолгончневсть магазинтне, хозяйкатне шава корзинка мархта ласьксть базарста, кжлфса нолявсть лавкатнень кшинь шторасна, извозчикне ардсть шава, панемок алашаснон, и кяшендсть аф содави направленин.

Минь мелеме оживленной ульцява, конац, мондеень арам, кати мзярда-бди ульсь Георгиевскийкс, молеме и нинге коданга ащеск шарьхкотькшине тя поразительнай переменить туфталонць.

Киньконь лангса васечневсть колама-бди ломатть, конат пяк странна ванць минь лангзонць, марьгат, грязьсть, синь наверна йорасть корхтамс минь мархтонць,

но аф смедондазь йотасть ваксса. Тяфта минь маладоме гостиницаньконди и шаромок ульцят ужевнц, вдрук лоткаме.

Национальной оцю флаг, Литовский буржуазнай государствать флагоц либорць гостиницань кенькшнень вельксса. Шовдава сон тьеса ашель, но минь содаस्क, што гостиницаса эрясь литовский консуль. Мес жа консуль повфтазе эсь флагонць?

Куцемать лангса минь васьфтеме ловкс ащи акша платьяса лама аванят. Синь кядьсост кирьць паргана букетт и няемок учсесь сянь, кие должен лисемс кенькшнень эзда. Кенькшнень вельксса пиндолць меднай плита и сонь лангзонза ульсь сьорматф:

„Литовский государствань генеральной консуль“.

— Кулхондода, — марьксь теень фоторепортерсь, — мон кажется ушеткшинь шарьхкодема. Пограничной охранань капитанць тяфта жа шарфць прианць мархта. Питай фкя пингста минь шарьхкодескь, мезе тиевсь. Кемокставсь ся, мезень колга тееньк корхтасть Белостокса. Вильнась, литовский древняй ошь, йотась Литвати.

— Пане, — кулеме минь содаф вайгяль, — извините пане, илякс марьгомс ялгат...

Няеск вень спутниконьескнень. — Ялгат, простивдамасть, мон монць тееньк марьгонь самда тя гостиницати, и мон ласьконь тяза, штоба кизефтемс тинь, виде ли тя? Виде ли, што Вильнаць максась литовецнеиди?

— Виде, — отвечае минь.

— Но, вешан прощенья, ты тееньк сембонди пяк кальдяв... Минь йоратама улемс советский ломанькс. Минь йоратама няемс тарваз и молатка мархта советский флагть, а аф ты разноцветнай скатерть. Ялгат, тинь содакасть, кодама стака улемс литовский буржуйхнень ала люпштафста? Тоса, Литваса, эряйхть тьожитть польский беглай офицерхт, буржуйхть. Синь сайхть тяза и тинхть тееньк сембонди, честнай труженникнеиди, веры Ворфоламеевский ве. Ули страшнай погром, арьседа тьянь колга, эняльдян тееньк, капитаньялгай...

— Тя аф ули, твердайста марьгсь капитанць, — верондада, аф ули...

— Виде, аф ули?

— Азан красноармейский честнай вал, аф ули. Договорс коря тяза иляды минь гаризоньке. Польский палачне кядьснон мзярдонга аф кеподьсазь ся ошса труженникнень лангс, кося ащи Якстерь Армиясь...

Аптекрь-атянясь аф пяк успокоилсь.

— Но сембесьяка — стакаста азозе сон, — но сембе — сяка... Ся пингть эзда, кода минь содаस्क свободать и Советский власть, йотась анычек комсь ши. Комсь ши минь эряме, кода ломаттне. Нинге йофси аф кунара минь улеме подданникоск пан Мосницкыйти, тьян тееньк судендаф улемс подданникоск Сметоны г-ти... Тя стака, азса мон тееньк, ты пяк стака!

И эста минь эздонок фкясь колама-бди непоколебимай уверенностьса марьгсь.

— Верондада — Советский власть мрдай! Коса хоть ба весть леборць советский знамясь, тоза Советский власть мрдай.

И Советский власть мрдасть. Литовский Вильна сире ошса навсегда ладяф Советский власть йотафтозе Ди. Родин.

Наркоминделса

Тя кизонь сентябрь 13-це шистонза Иностраннай Тевонь Народнай Комиссарть заместителец В. Г. Деканозов ялгась примазе румынский посланникть г. Гафенкуть, кона вручил советский правительствать тя кизонь августь 29-це шиня лифтьф протестонь нотанць каршес румынский правительствать ответонць, румынский военной самолеттнень и румынский пограничной и войсковой частьтнень провокационной действияснон мархта советский границать нарушандаманць колга.

Румынский нотаса азондовихть Советский границать кувалмова румынский самолеттнень лиендемасна, но отрицандакшневихть румынский самолеттнень мархта советский границань нарушандаманць случайхне, ссыладамокс сянь лангс, што румынский авиациати ульсь максф категорический приказ тиедемс полетт анычек демаркационной линиять кувалмова, аф йотнемок тонабокозонза. Тьяк пингова, корхтамок сянь колга, што границань нарушандамась тиф, бта, советский самолеттнень мархта, румынский правительствась лувондсь, аш кода путнемс ответственность инциденттнень инкса румынский авиациати лангс. „Однак, — корхтави сяда тов нотаса, — мезьсонга непренебрегать желанияти, штоба ванфтомс СССР-ть мархта добрососедский отношениятнень, румынский правительствась лоткафтозе, сентябрь 1-це шистонза сывомок, любой полеттнень ся районца, кона ащи СССР-ть мархта Румынияць йоткса демаркационной линиять видеса“.

Румынский правительствась отказакшнй тяфта жа, што сухопутнай границать лангса инциденттне ульсть тифт румынский пограничной войсковой частьтнень действияснон сюнеда и лувондсы причинакс тьянди советский пограничникнень действияснон. „Однак, — корхтави румынский нотаса, — румынский правительствась кирьдемок мяль ванфтомс СССР-ть мархта соседствань наилучшай отношениятнень, Главнай генеральной штабть приказонць мархта лоткафтозень официална румынский пограничникнень пользованием оружияса, румынский территориять анычек явнай нарушенияда башка“.

Примамок нотать, Деканозов ялгась макссь вал пачфтемс сонь содержаниянць колга правительствать мяльс.

Рузаевсь иляткшни апак наказак

Насакина велень „Пятилетка“ колхозонь счетоводсь Рузаевсь пяк грубайста нарушандакшневы колхознай дисциплинаць. Кода правила сон работа эрь шиня познесы 2—3 частса ламос. А сывомок августь 20-це шистонза 26-це шиньцы модемс Рузаевсь колхознай правлениявь привок ащезь няфне.

Рузаевть аф дисциплинированной шинь пяк оцоста отражаандакшни учеть и отчетность лангс. Тьяса сембе счетоводствась щоряф прианць лангс, а Рузаевсь содай анычек пьанствондаманць.

Рузаевть нят сембе действияснон цебарьста содасыне колхозонь правлениявь и сонь председателец Паршинць, но сонь мархтонза кати мес аф примосихть кодамовок мерат.

Н. Пронькин.

Торбеевань р...
Отает редакторть инкса Дм. РОДИН.